



榆次縣志

孝慈常地春  
書首




# 榆次縣全圖



	縣界
	區界
	城市界
	區公所
	村莊
	水系
	鐵路
	汽路
	車路
	小路
	電溝
	渠




# 圖區一第縣次榆









# 榆次縣第四區分圖




# 榆次縣第五區分圖



# 榆次縣山脈河流圖 河渠附




# 榆次縣交通圖






榆次縣治圖



榆次縣學宮圖



榆次縣志序

中華民國十年博山張公澄秋來長榆次憫志乘失修已逾卅載爰與紳耆協商更為纂修時家紱章先生德望實為邑士冠經衆推膺總纂若者分纂若者採訪若者收掌各任其事且為別定體例以綜合曩志而重纂焉分上編曰攷目凡十二為方域城市鄉聚道里水利賦稅官師學校選舉典禮生計民俗率史之志體也下編曰錄目凡六為舊聞名宦通儒卓行藝術賢媛率載記及傳體也顧訪稿粗完十六年秋先生即世未經編定時趙君壽祺趙君錫峯馬君紺岑楊君季雲猥以纂修屬贊嗚呼吾縣方志明修者竟不可得見矣

榆次縣志

序

常序

一

見者僅清康熙時劉明府星重修本舊志所錄尚多存焉及乾隆時錢明府之青重修本別定體例向時所作並為刪煩時纂輯者為王世甫先生同治初俞明府世銓重修本則取錢志而更刪其煩纂輯者為王仲坦相圃兩先生並為邑之進士也光緒初張明府承熊續修本則為時較近僅作前志之補遺纂輯者為白夢江杜生甫王蓉及侯布南四先生則邑之舉人也贊竊維先民有言修志者當取前人之記載不當毀前人之成書即前志義例不明文辭乖舛亦當聽其並行彼此得失參觀自有公論錢警石太夫子嘗修海寧州志不更易舊作而名己所修者曰海昌備志贊之德望詎敢希

諸先生萬一加以學識譎陋尤不敢妄儕作者於是例則多  
衷紱章先生所條僭易典禮民俗二攷為禮俗攷舊聞錄為  
舊聞攷增入庚子拳亂辛亥以來諸兵事皆邑之巨變不容  
略者僭易通儒為文儒增藝文攷分著作金石增仕實錄紀  
從政垂聲悉踵光緒續志而成書第於舊志之缺略者補之  
譌誤者正之分合訪稿存要黜膚自審樗材勉為塞責若夫  
後有鴻碩擴而充之則尤贊馨香禱祀以求者此作竊附於  
錢太夫子之備志云中華民國十八年一月邑人常贊春撰

榆次縣志序

榆次縣志修輯既竣縣中諸君子以余嘗為是邦宰走書囑為弁言余唯方志之為書權輿蓋遠孟子曰晉之乘楚之檮杌魯之春秋晉時常璩有華陽志盛弘之有荊州記唐宋之圖經元明之一統志或偏重人物或偏重地理或廣括而未詳或臚舉而失紀要皆為國史之一體方志之啓源也宋明以降省府州縣之志始分清康熙雍乾嘉諸朝修志之風大盛綜清一代多至四千餘種亦可謂盛矣吾嘗謂國史方志義例雖有廣狹而其體則無以異國史必取材於方志無方志則國史無徵晉乘楚檮杌其書雖不可見而孔子作春秋取

百二十國之史記為之太史公書乃以秦滅諸侯史記為恨是知百二十國及秦滅諸侯之史記皆後世之方志也戰國以前蓋無國無史秦統一天下廢封建置郡縣惟皇帝有史官郡縣無之因此正史所錄皆朝廷故事世人或譏為一姓家譜趙宋以還漸有方志之作臨安吳郡建康諸志其著也有明一代詔各行省創修縣志於是方志之作遍海內顧炎武以一代鴻儒徧讀各省志書而有郡國利病書之輯章實齋究心史學於纂修方志尤兢兢著文史通義一書而方志遂為專門之學其所為湖北志及黃彭年之畿輔志楊篤之山西志最為學者所稱州縣志則王壬秋之湘潭魯通甫之

陝州吳摯甫之深州並足為後世法夫為書一也出之於鴻儒碩彥之手則星懸碁布於天壤之間學者嘖嘖稱道不然者且將淹沒而不彰不知方志與他書為用不同所以紀風土人物之遞嬗山川疆域之變化為人羣之炯鑑為國史之要刪所貴紀載詳實初不以枝節之微長淺效相尚名著固足取法非然者亦備故實學者所當並重不可故為軒輊也余宰榆次凡三年感於水政攸關於民生者尤重乃因舊有天一渠故道開濬之以復舊觀而榆太兩邑可灌之田多至三萬餘畝蓋是渠自明季已廢以所經多山石流沙旋闢旋闔故屢議修復而無成余測度形勢用炸藥轟去石山凡流

沙易合之處略仿鐵路橋梁建築涵洞而其功遂成先是余宰陽曲鄰邑徐溝縣四十八村村民欲假榆次境內東西胡喬村地規復舊有嘉平渠村民爭議相持不決時宰榆者為蜀人余君司禮迭謁大府陳述困難甚至以去就爭而是時督理太汾水利之冀寧道尹徐公之檄財政廳長朱公善元以余於陽曲民教爭水之案著有績效因請省長孫公檄調赴榆余乃微服至東西胡喬博訪周諮動以利害曉以大義兩村父老感余誠欣然就範於是徐溝縣四十八村之民得沾水利焉亦余始意所不及料也余述二事冀諸君子勿忘其始善持其終而於方志之源流功用勉就所知載之篇首

以見方志學之為世重如此余雖不克與諸君躬與斯役猶願與諸君子共勉焉

中華民國二十四年五月紹興俞家驥序

榆次縣志

序

俞序 五